

Предпразднство Рождества и святителя Петра

3 января

Тропарь предпразднства, глас 4: Готовися, Вифлееме, / отверзися всем, Едеме, / красуйся, Еврафо, / яко древо живота в вертепе процвете от Девы: / рай бо Оная чрево явися мысленный, / в немже Божественный сад, / от негоже ядше, живи будем, / не якоже Адам умрем. // Христос раждается прежде падший возставити образ.

Тропарь храма, глас 4: Яко неборимую стену и источник чудес / стяжавше Тя раби Твои, Богородице Пречистая, / сопротивных ополчения низлагаем. / Темже молим Тя: мир граду Твоему даруй // и душам нашим велию милость.

Тропарь святителя, глас 4: Яже прежде неплодная, земле, ныне веселися: / се бо Христос светильника в тебе показа, / яве сияюща в мире / и исцелевающа недуги и болезни наша. / Сего ради ликуй и веселися со дерзновением: / святитель бо есть Вышняго, // сия соделовай.

Кондак предпразднства, глас 3: Дева днесь Превечное Слово / в вертепе грядет родити неизреченно: / ликуй, вселенная, услышавши, / прослави со Ангелы и пастырьми / хотящаго явится отроча Младо, // Превечнаго Бога.

Слава, кондак святителя, глас 4: Явися днесь пресветлая память твоя, святителю преблаженне Петре, / в мире светло сияющи // и являющи всем Божественное сияние.

И ныне, кондак храма, глас 4: Честнаго образа Твоего знамение празднующе / людие Твои, Богородительнице, / имже дивную победу на

сопротивная граду Твоему даровала еси. / Темже Тебе верою взываем: // радуйся, Дево, христиан Похвало.

Прокимен, глас 1: Уста моя возглаголют премудрость, / и поучение сердца моего разум.

Стихиры святителю Петру, глас 1, подобен «Небесных чинов»: Небесным чином поревновал еси, / святителю Христов Петре, / и на земли, Богоносе, / освящен сосуд явился еси / и жилище святое твое днесь честно, // радуящися, празднуем успение.

Небесных чинов радование / и на земли архиерев похвала, / священников слава, Петре мудре, / монашествующих правило и Церкви утверждение. / Темже тя молим: / не оскудей, помоществуя нам, // притекающим к тебе рабом твоим.

Стихиры Предпразднству, глас 6: Пойте Господу, рождшемуся от Девы; / воспойте песнь, воинства Небесная, / земнии, воспещите руками: / Бог бо в человецех, Человек Бог воздаянием. / Се таинство совершается нам днесь, // Царь Израилев, Христос приходит.

Глас 1: Приимите, ясли, / Егоже в купине Моисей законоположник провиде в Хориве, / ныне раждаема от Девы Духом Божественным. / Та есть, Яже в законе реченная, / Та есть пророческая печать, / Яже Бога плотию тленным являющи, // Емуже поклонимся.